



Broj: 01/5-50-1-5-42/09

Sarajevo, 17.11.2009.

Z A P I S N I K

42. sjednice Komisije za saobraćaj i komunikacije, održane 17.11.2009. godine

Sjednica je održana 17.11.2009., s početkom u 13,45 sati.

Sjednici su prisustvovali članovi Komisije: Branko Dokić, Šemsudin Mehmedović, Selim Bešlagić, Željko Kuzmanović, Slavko Matić i Mehmed Suljkanović. Odsustvovali su: Husein Nanić, Savo Erić i Sadik Bahtić.

Sjednici su još prisustvovali: Kojo Koprivica, pomoćnik ministra komunikacija i prometa BiH, Adnan Kadribašić, stručni savjetnik u Agenciji za ravnopravnost spolova u BiH, Davorin Semenik, sekretar Komisije za ostvarivanje ravnopravnosti spolova Predstavničkog doma, Nenad Pandurević, sekretar Komisije za vanjsku i trgovinsku politiku, carine, saobraćaj i komunikacije Doma naroda, Ahmed Jalovičić, sekretar Komisije za saobraćaj i komunikacije, i Aleksandar Ninković, stručni savjetnik u Komisiji za saobraćaj i komunikacije.

Sjednicom je predsjedavao Branko Dokić, predsjedavajući Komisije.

Za sjednicu je predložen sljedeći

D N E V N I R E D

1. Usvajanje Zapisnika 41. sjednice Komisije;
2. Prijedlog zakona o izmjeni Zakona o osnovama sigurnosti saobraćaja na putevima u BiH, predlagač: poslanik Momčilo Novaković (druga komisijaska faza);
3. Prijedlog zakona o izmjenama i dopunama Zakona o Javnom radiotelevizijskom sistemu BiH, predlagač: Vijeće ministara BiH (prva komisijaska faza);
4. Prijedlog zakona o izmjenama i dopunama Zakona o Javnom radiotelevizijskom servisu BiH, predlagač: Vijeće ministara BiH (prva komisijaska faza);
5. Prijedlog zakona o izmjenama i dopunama Zakona o komunikacijama, predlagač: Vijeće ministara BiH (prva komisijaska faza);
6. Tekuća pitanja.

Dnevni red usvojen je jednoglasno.

Ad. 1. Usvajanje Zapisnika 41. sjednice Komisije

Zapisnik 41. sjednice usvojen je jednoglasno, bez primjedbi.

Ad. 2. Prijedlog zakona o izmjeni Zakona o osnovama sigurnosti saobraćaja na putevima u BiH, predlagač: poslanik Momčilo Novaković (druga komisijska faza)

Predsjedavajući je napomenuo da je amandman na Prijedlog zakona blagovremeno uložio Željko Kuzmanović, zatim otvorio raspravu u kojoj su učestvovali članovi Komisije: Selim Bešlagić, Željko Kuzmanović, Slavko Matić, Branko Dokić, poslanik Momčilo Novaković, te predstavnik Ministarstva komunikacija i prometa BiH Kojo Koprivica.

Nakon rasprave, Komisija se izjašnjavala o podnesenom amandmanu i Prijedlogu zakona na sljedeći način:

Amandman I. (Željko Kuzmanović)

U članu 1. stav (1) riječ: “u zimskom periodu (ood 15. novembra do 15. aprila)” zamjenjuju se riječima: “tokom zimskog računanja vremena”.

S jednim glasom „za”, četiri „protiv” i jednim „suzdržanim” glasom, ovaj amandman nije usvojen.

Komisija, s jednim glasom „za“ i pet „protiv“, nije prihvatila tekst Prijedloga zakona.

Ad. 3. Prijedlog zakona o izmjenama i dopunama Zakona o Javnom radiotelevizijskom sistemu BiH, predlagač: Vijeće ministara BiH (prva komisijska faza)

Ad. 4. Prijedlog zakona o izmjenama i dopunama Zakona o Javnom radiotelevizijskom servisu BiH, predlagač: Vijeće ministara BiH (prva komisijska faza)

Ad. 5. Prijedlog zakona o izmjenama i dopunama Zakona o komunikacijama, predlagač: Vijeće ministara BiH (prva komisijska faza)

Predsjedavajući je napomenuo da Komisija ponovo razmatra navedene prijedloge zakona u prvoj fazi, da su Ministarstvo za ljudska prava i izbjeglice BiH i Ministarstvo za komunikacije i promet BiH dostavili izjašnjenje o prijedlozima zakona, te dao riječ predstavniku Agencije za ravnopravnost spolova Adnanu Kadribašiću, koji je iznio stav o neophodnosti usvajanja prijedloga zakona, nakon čega je otvorena rasprava.

U raspravi su učestvovali članovi Komisije: Šemsudin Mehmedović, Selim Bešliagić, Branko Dokić, Mehmed Suljkanović i Slavko Matić, te Kojo Koprivica, predstavnik predlagača.

Nakon provedene rasprave, Komisija se o prijedlozima zakona izjasnila na sljedeći način:

Komisija, s tri glasa “za” i tri “protiv”, nije podržala principe Prijedloga zakona o izmjenama i dopunama Zakona o Javnom radiotelevizijskom sistemu BiH.

Komisija, s tri glasa “za” i tri “protiv”, nije podržala principe Prijedloga zakona o izmjenama i dopunama Zakona o Javnom radiotelevizijskom servisu BiH.

Komisija, s tri glasa “za” i tri “protiv”, nije podržala principe Prijedloga zakona o izmjenama i dopunama Zakona o komunikacijama.

Komisija nije podržala principe navedenih prijedloga zakona iz sljedećih razloga:

Komisija smatra da se izmjenom člana 30. Zakona o ravnopravnosti spolova treba omogućiti ravnopravna zastupljenost spolova u svim oblastima, te da nije prihvatljivo da se svi postojeći zakoni na nivou Bosne i Hercegovine pojedinačno usklađuju sa Zakonom o ravnopravnosti spolova.

Slavko Matić istakao je da, pošto se ova tri prijedloga zakona odnose na usklađivanje sa Zakonom o ravnopravnosti spolova, smatra da bi trebalo predložiti Kolegiju Predstavničkog doma da se na 64. sjednici Predstavničkog doma objedini rasprava o ovim zakonima, odnosno 10., 11. i 12. tačku dnevnog reda.

Prijedlog je jednoglasno prihvaćen.

Ad. 6. Tekuća pitanja

a) Selim Bešliagić napomenuo je da Dom naroda na 33. sjednici, održanoj 23. 7. 2009., nije imenovao člana Upravnog odbora Javnog radiotelevizijskog servisa BiH iz srpskog naroda, te predložio sljedeći zaključak:

Traži se od Regulatorne agencije za komunikacije da obavijesti Komisiju da li će i kada obnoviti konkurs za člana Upravnog odbora Javnog radiotelevizijskog servisa BiH iz srpskog naroda.

Komisija je jednoglasno usvojila zaključak.

b) Komisija je konstatala da Predstavnički dom na 59. sjednici, održanoj 2.9.2009., nije usvojio Prijedlog Vijeća ministara BiH za imenovanje članova Vijeća Regulatorne agencije za komunikacije BiH, pa je jednoglasno usvojila sljedeći zaključak:

Traži se od Vijeća ministara BiH dostavljanje informacije u vezi s daljnjim postupkom imenovanja članova Vijeća Regulatorne agencije za komunikacije BiH.

c) Predsjedavajući je upoznao prisutne da će se radionica o temi “Energetska zajednica i regionalna sigurnost”, čiji je saorganizator Komisija, održati 15.12.2009.

Predsjedavajući je zaključio sjednicu u 14,45 sati.

SEKRETAR KOMISIJE

Ahmed Jalovičić

PREDSJEDAVAJUĆI KOMISIJE

dr. Branko Dokić

Dostavljeno:

- INDOK-u
- a/a